
Фурқатлик спортчи ёшлар Тошкент шаҳрида ўтказилган "Қўл жанги" бўйича Ўзбекистон чемпионатида 9 та медални қўлга киритишди

Жорий йилнинг 8-11 февраль кунлари Тошкент шаҳри мезбонлигида спортнинг "Қўл жанги" тури бўйича ўсмирлар ўртасида Ўзбекистон чемпионати бўлиб ўтди.

Мусобақада жами 1350 нафар ёш спортчилар қатнашиб, ғолиблик учун баҳс олиб боришди. Мазкур мусобақада туманимиз спортчилари 3 та олтин, 2 та кумуш ва 4 та бронза медалларини қўлга киритишди.

Болалар ва ўсмирлар спорт мактаби тренери Элдор Маҳсудовга кўра ушбу спортчиларимиз Бухоро шаҳрида спортнинг қўл жанги тури бўйича ўтказилиши режалаштирилган жаҳон чемпионатига йўлланмани қўлга киритиб, ватанимиз шарафини ҳимоя қилади.

Фурқат тумани ҳокимлиги ушбу спортчиларни эришган муваффақиятлари билан самимий қутлаб, кейинги мусобақаларда ҳам совриндорлар қаторида бўлишларини тилаб қолади.

2024-02-12 16:45:56